


# RAHSIA AL-QURAN - DARI SEGI ILMU DAN FALSAFAH

“Nur Allah Yang Indah Cemerlang”

Dalam ayat yang suci  
mulia ini, Tuhan Azza wa Jalla  
telah memberi tamsil ibarat  
tentang “Nur-Nya” (Cahaya-Nya)  
yang menyinari alam, yang  
menggambarkan kebesaran  
dan kekuasaan-Nya.

## (II) SIARAN PENUTUPNYA



Ayat yang ketiga puluh lima, Surah al-Nur

Khat al-Ustādh "Murtaqā"

Ahli "Seni Tulis" Mesir yang kebilangan

(Oleh ‘Abdullāh Basmeh)

Tamsil ibarat “Nur Allah” yang terkandung di dalam ayat yang menjadi tajuk rencana ini (lihat maknanya dalam bilangan yang lalu) telah difahamkan oleh alim ulama dan ahli pengetahuan Islam dengan sendiri-sendiri menurut luas pengalaman masing-masing sehingga membawa kepada taujih fahaman sebagaimana yang telah dipeturunkan oleh al-Sheikh Tanṭawi Johori dalam kitab tafsirnya:

Suatu puak ulama mengatakan tamsil ibarat itu ialah sifat-sifat junjungan kita Nabi Muhammad ṣallā Allāh ‘alaihi wa sallam. Puak yang kedua pula mengatakan pelita itu ialah tamsil ibarat

junjungan kita Nabi Muhammad (S.A.W), dan pokok zaitun yang berkat, yang daripada minyaknya pelita itu menyala dengan terang-benderangnya ialah bayangan bagi Nabi Ibrahim ‘alaihi al-salām. Pokok itu menurut penjelasan al-Quran: tidak tumbuh di timur dan tidak tumbuh di barat, maksudnya agama yang dibawa oleh junjungan kita ialah lanjutan dari agama yang dibawa oleh Nabi Ibrahim ‘alaihi al-salām iaitu bukan Yahudi dan bukan Nasrani tetapi Islam.

Puak yang ketiga pula mengatakan tamsil ibarat itu meliputi Nabi Ibrahim, anakandanya, Nabi Ismail serta

zuriatnya junjungan Nabi Muhammad ﷺ ‘alaihi wa sallam.

Puak yang keempat pula mengatakan tamsil ibarat itu meliputi tiap-tiap orang yang beriman. Fahaman ini lebih luas daripada yang terdahulu di atas iaitu menurut luasnya fahaman puak itu.

Mereka mengatakan “*al-Mishkat*” (lubang di dinding) ialah ibarat diri orang yang beriman, gelok kaca kandil itu ialah hatinya, pelita yang menyala itu pula ialah iman yang bernyala-nyala di dalam hatinya. Manakala iman itu pula adalah dinyalakan daripada pokok yang berkat ia tuluh “Pokok Ikhlas” kepada Allah yang Maha Esa.

Puak yang kelima pula mengatakan tamsil ibarat itu adalah menggambarkan kuasa pancaindera yang lima yang telah dikurniakan oleh Tuhan kepada hamba-Nya.

Puak yang keenam pula mengatakan tamsil ibarat itu adalah menggambarkan kuasa akal sahaja. Kuasa yang tersebut pada mulanya kosong daripada ilmu pengetahuan, kemudian melalui pancaindera yang lima maka terpahatlah ilmu pengetahuan di dalamnya lalu menjadilah ia seperti kaca bersinar-sinar dan sedia menerima suluhan cahaya ilmu pengetahuan.

Manakala wajah atau faham yang ketujuh pula ialah sebagaimana yang telah diterangkan oleh Ibnu Abbas: “*Hazdhā nūr Allāh wa Hudāhu fī qalb al-Mu'min kamā yakādu al-zait al-safi yadhi'u qabla an tamassahu al-nār; fa idha massathu al-nār idhdād ḥaw' 'ala ḥaw'ihi, kadhālikā yakādu qalb al-mu'min ya'lam bi al-hudā qabla an ya'tihī al-'ilm fa idha jā'ahu al-'ilm idhdād hudā 'ala hudā wa nūran 'ala nūr.*”

Ertinya: “Inilah dia (tamsil ibarat) Nur Allah dan petunjuk-Nya di dalam hati orang yang beriman, iaitu samalah seperti minyak yang jernih, hampir bercahaya dengan sendirinya (kerana jernih dan persihnya) sebelum dia disentuh api, maka apabila disentuh api menyalalah ia dan bertambahlah terang benderangnya. Demikianlah hati orang yang beriman hampir-hampir mengetahui dengan petunjuk sebelum dia beroleh ilmu

pengetahuan. Maka apabila ianya beroleh ilmu pengetahuan, bertambahlah ia petunjuk di atas petunjuk dan cahaya di atas cahaya.”

Demikianlah taujih wajah atau taujih fahaman yang telah disebut oleh alim ulama Islam, sedang tamsil ibarat yang terkandung dalam ayat suci itu adalah sesuai dipadankan kepada ketujuh-tujuhnya.

\*

Ayat “*Allāh Nūr al-samawāti wa al-Ard*” yang menjadi tajuk rencana ini telah ditunda dengan beberapa ayat lagi yang menjadi huraihan dan mempunyai pertalian dengannya iaitu firman Allah Ta‘ālā:

“*fī buyūtin adhīnallāh an turfa'a wa yudhkaru fīhā ismuhu yusabbihu lahu fīhā bi al-ghuduwwi wa al-āṣāl.*

“*Rijālun la tulhīhim tijāratu wala biya 'an dhikrillaāh wa aqāmu al-ṣalāt wa ātū al-zakāt yakhāṣūna yawmā tatqalbu fīhī al-qalūb wal abṣār.*

“*Litajziyahum Allāh aḥsanu mā 'amalū wayazīdu hum min fadlih wallāh yarzuqu man yasha'bighairi ḥisāb.*

“*Walladhīnā kafarū a'māluhum ka sarabin bi qī'atīn yaḥsibuhū al-żma 'an mā', hattā idhā jā'ahu lam yajidhu shay'an wawajadullāh 'indahū fa waffāhu hisabuhu, wallāh sarī'u al-ḥisāb.*

“*Aw ka zulumāt bihār lujjīyy yaghshā' mawju min fawqu mawju min fawquh sahāb, ẓulumāt ba'duhā fawqu ba'di, idhā ukhrija yadahu lam yakdu yarahā, waman lam yaj'al Allāh lahu nūrā famā lahū min nūr.*”

Ertinya: “Kandil-kandil yang terang benderang itu bergantungan di masjid-masjid, iaitu rumah-rumah suci yang telah diperintahkan oleh Allah supaya dihormati dan disebut nama-Nya (membaca al-Quran dan belajar hukum-hukum Islam) di dalamnya, serta di dalamnya dibaca tasbih baginya (sembahyang lima waktu sehari semalam) pagi dan petang.

“Orang-orang lelaki (yang beribadat itu) tidak dilalaikan mereka oleh dagangan dan berjual beli daripada mengingati Allah, dan mendirikan sembahyang serta mengeluarkan zakat,

mereka takut akan hari kiamat yang di dalamnya gementar

hati dan pemandangan.

“Supaya Allah membalas mereka atas pekerjaan mereka yang baik itu dengan balasan yang sebaik-baiknya dan ditambahi mereka dengan limpah kurnia-Nya. Allah memberi rezeki kepada orang-orang yang dikehendaki-Nya dengan tiada terhitung banyaknya.

“Orang-orang yang kafir (lain pula hal mereka), amal-amal mereka (yang mereka sangka baik itu) samalah seperti bayangan panas di padang pasir, yang disangka air oleh orang yang dahaga, sehinggalah apabila ia sampai ke tempat itu, maka tiadalah didapati sesuatu jua pun (sebagaimana yang disangkanya itu) lalu didapati (balasan) Allah kepada amalannya itu, maka Tuhan pun menyempurnakan kiraan-Nya (balasan-Nya). Allah, amatalah segera kiraan-Nya.

“Ataupun (amalan orang-orang yang kafir itu) adalah seperti gelap-gelita di dalam perut lautan yang dalam, dilamun oleh ombak, di atas ombak itu ombak pula, di atasnya diliputi oleh awan, gelap-gelita tindih-menindih (gelap perut lautan, gelap ombak yang berganda-ganda, dan gelap awan di langit, maka menjadilah alam itu segelap-gelapnya), jika dikeluarkannya tangannya nescaya tidak dapat dilihatnya (kerana gelap-gelita yang bersangatan itu), barang siapa yang tiada diberi oleh Allah cahaya (tawfiq dan hidayah) maka tiadalah ia mendapat cahaya (hidayah dan petunjuk itu).”

Jelasnya orang-orang yang mendapat hidayah dan taufiq Tuhan Azza wa Jalla sebagaimana yang terkandung di dalam ayat yang menjadi tajuk rencana ini itulah yang dibayangkan oleh Tuhan dengan firman-Nya: “*Nūr ‘alā nūr*” (cahaya bercampur cahaya) berganda-ganda – cahaya tawfiq dan hidayah, berpadu dengan cahaya iman dan yakin!

## Ubat Jenis Baharu dan Ganjal

Berbeza dari ubat yang lain-lain dan tidak merbahaya

### 1) Ubat telinga (EARO)

50 / \$3 post bersih

Banyak penyakit baharu atau lama, nanah cepat berhenti.

### 2) Ubat batuk teruk (COUGO)

50 / \$3 post bersih

Khas kepada batuk-batuk lama dan sangat mujarab.

### 3) Ubat buasir (PILGO)

50 / 6 post bersih. Dalam 24 jam mulai semuh,

beransur kecut dan ajaib langsung.

Perempuan hamil pun boleh memakannya.

### 4) Ubat Gili Babi (FITSGO)

50 / \$6 post bersih.

Sekarang ada ubatnya. Penyakit tak balik lagi.

Juga ubat ini menerangkan otak.

### 5) Ubat penjarang

Untuk pakai di luar bagi setahun – / 4 (b) untuk dimakan tak hamil lagi, sebotol sahaja, badan diberi sihat – / \$17 post bersih.

### 6) Ubat penerang mata (NERVO)

50 / \$7 post bersih.

Ganjil dari lain-lain tonik. Lekas menerangkan mata dan otak. Selalu pelupa dan pitam, cepat baiknya.

### 7) Ada banyak lagi ubat-ubat jenis baharu

Dari England

Untuk: – lelah, resdung, tipuk, darah tinggi, badan sembab-sembab, leher beguk, angin pasang-pasang, dan lain-lain lagi. Orang-orang yang putus harap dari ubat-ubat yang lain silalah beritahu dengan terang bersama 10 sen setem. Pesanlah dari:

Mohd Amir bin H.M. Khatib,

(as Representative of), Woh Kee Medical Hall

124, Ipoh Road, Kuala Lumpur